

Seatek 1.100 lanpostu kendu nahi ditu Landabengo lantegian 1998rako

Horietatik 500 lanpostu datorren urtean bertan desagertuko dira

Seatk 1998. urterako 1.100 lanpostu kenduko ditu Landabengo (Iruñea) lantegian, enpresako arduradunek sindikatueta ordezkariei atzo esan zieten. Horietatik 500 lanpostu datorren urtean bertan galduko lirake Iruñeko lantegian.

BARTZELONA


Bartzelonako ordezkariek sindikalek ezagutarazi zuten atzo Seat-erako murrizketa planak Nafarroako lantegian ere eragina izango duela eta 1.100 lanpostu-kentzea jasotzen duela.

Berri horrek Volkswageneko nahiz Seateko arduradunek eta Nafarroako agintariek orain arte esandakoa gezurtatu egiten dute, beraz, Landabengok produkzioari eta langilegoari eutsiko ziola ziurtatu izan baitute atzo arte.

Seat-Landabengoren lanpostu murrizketa hau Bartzelonako Zona Francan eta Martorellgo lantegietan beste 9.900 lanpostu desagertzeko erabakiari gehitu behar zaio, autogintzako konpainia espainiarraren jabea den Volkswagenek indarrean jarriko duen egokipen egitasmoak hala jasotzen baitu.

Egitasmo honek Bartzelonako Zona Francako lantegiak autoak egiteari utzi eta bertan hornitzaile parke bat kokatzea aurriztatu du, Seat modeloen produkzioa Martorellan biltzeko.

Seateko zuzendaritza eta sindikatueta ordezkariek atzo hasi ziren negoziatzen datozen bost urteetarako lantegiek



Seaten birmoldaketak Landabengo lantegiari ere eragingo diola jakin zen atzo.

A. BAYO

ekoiztuko duten auto kopurua, aipatu egitasmoaren barruan.

Seatek 1994etik 1998ra bitartean produzituko duen auto kopuruaz eztabaidatzeko egin zuten atzokoa bilera. Bertan enpresako sindikatu nagusiak diren UGTren eta CCOOren arteko jarrera ezberdinak agerian geratu ziren.

UGT prest dago onartzeko Zona Francako lantegiak ibilgai-luak egiteari utzi eta lanpostuak bestelako produkzioa zuzentzeko, adibidez hornitzaile parkera. CCOO, ordea, ez dago prest Bartzelonako lantegiak autorik ez produzitzeko, horrek konpainiaren etorkizuna arriskuan jarriko lukeelakoan.

✓ Volkswageneko nahiz Seateko arduradunek eta Nafarroako agintariek orain arte esandakoa gezurtatu egiten du berri honen.

Ordezkariek sindikalek Seateko langilegoaren murrizketa plana gaitzetsi egin zuten berriro ere eta enpresak aurkeztu dituen hiru erregulazio espedienteak nego-

ziatzeari uko egin zioten, Seaten-tzat produkzio egitasmoa zehazten ez den bitartean.

Seatek hilaren 15ean aurkeztu zituen hiru espediente horiek Bartzelonako lantegietarako, baina Kataluniako Generalitateak hitza eman zuen ez zituela txostenok baimenduko enpresak langileekin negoziatu arte.

Nolanahi ere, Seateko langileek mobilizazioak hasi dituzte egitasmo murriztaile hauen aurka. Landabengo lantegiak ez du kasu guztietan bat egin mobilizazio hauekin, langileek faktoria honetarako planak zeintzuk diren ez dakitelako. Plan hauek atzo hasi dira ezagutzen ordea.

Inepsa enpresak parte hartuko du Porsche berriaren diseinuan

BILBO

Inepsa euskal konpainiak Porsche enpresak 1994eko udazkenean kaleratuko duen automobil berriaren ingeniari-tza diseinuan parte hartuko du. Inepsak automobilgintza sektorerako koalifikazio handiko kautxu teknika ekoizten du. Aurtengo lehen hamar hilabeteetan 1.250 milioi pezetako (54,34 milioi libera) fakturazioa izan du, aurreko urtean baino % 3 gehiago.

Joan den urria arte Inepsaren esportazioek % 5,5 egin dute gora eta fakturazio osoaren % 55 izatera iritsi dira. Frantzia da oraindik ere konpainiaren bezero nagusia, baina hazkunde nabariena Alemaniara egindako salmentek izan dute aurtan.

Kautxu piezak lantzeko hogei robot jarri berri ditu eta ordenadorearen bitartez diseinatzeko sistema martxan da dagoeneko. Berrikuntza hauekin ekoizpen prozesuaren automatizazio osoa burutu du Inepsak.

Automatizazioari esker lortu duela Porscheren kalitate kontrolak gaintzea adierazi dute enpresako iturriek.

Iaztik Toyota eta Honda konpainiek Europar egiten dituzten automobilen piezen ekoizpe-nean ere hartzen du parte Inepsak Hardy Psicer enpresarekin elkarlanean.

Gainera, lan harremanak ditu RNUR, Opel-General Motors eta GNK konpainiekin transmisio sistema eta abiadura kaxa berriak garatzeko helburuarekin.

Aiara Sortu programari esker 76 lanpostu eta zazpi enpresa

AMURRIO

Arabako Aiara eskualdean 76 lanpostu eta zazpi enpresa sortu dira azken urtebetean Gasteizko Gobernuak aurrera daraman Sortu programaren bidez, atzo ISEB (Industriaren Sustapen eta Eraldaketarako Baltzua) erakundeko iturriek jakinarazi zuten.

Altzairu berezien sektorearen birmoldaketak Aiara eragin-dako langabeziari irtenbidea ematea da programa honen helburua. Ildo horretatik, ISEBek beste bederatzi proiektu dauzka eta denak gauzatuz gero eskualdean beste 250 lanpostu berri sortuko direla ziurtatu zuten iturri berek.

Programa honekin batera eta industri lur eskaintza hobetzeko

helburuz, Amurrioko Industrialdea S.A. elkarteak sortu zuten atzo ISEBek, Arabako Diputazioak eta Amurrioko Udalak. Industrialdea hau Eusko Jaurlaritzak Tubacex enpresari erositako lurretan kokatuko da eta bertan 1.693 milioi pezeta inguru inbertituko dira zortzi urteren buruan.

Industrialdea programaren helburua enpresak eratu ahal izateko azpiegitura baliabideak eskaintzea da, pabilioiak eta bestelako eraikinak alegia.

Programa honen bidez 20 industriagune eraiki dira dagoeneko EAEko hiru herrialdeetan. Industrialdeetan 12.000 milioi pezeta inbertitu dira orain arte eta beste 8.500 milioi inbertsioak egitea aurrizitatu dago.

LABURREAN

PAPELERAK 6.500 milioi behar ditu

Papelera Española konpainiak 6.500 milioi pezeta (282,6 milioi libera) behar ditu aurrizitako inbertsioak gauzatu eta bideragarritasun planari ekiteko. Paper ekoizleak 5.164 milioi pezetako galerak izan ditu aurtan irailera arte. Aipatutako dirutzaren bitartez Errenteria eta Arrigorriagako lantegiak bultzatu nahi ditu Papelera Españolak.

MICHELINEK

eskaintza berria egin du

Industri planean eta hitzarmen kolektiboan berrikuntzak jasotzen dituen eskaintza berria egin die Michelin konpainiak Gasteizko lantegiko beharginei. Enpresa batzordeak eskaintza aztertu eta atzo ematekoa zen erantzuna. Eskaintza berrian 1994ean soldata igoera KPIaren parekoa izango litzateke. Industri planean, berriz, aurretik erretiratutakoen soldaten % 80ra arteko osagarria jartzeko prest agertu da.

EHNEK

dirulaguntzen banaketa salatu du

Nahiz eta iazko banaketarekin alderatuz «hobekuntza» nabaria den, dirulaguntzak emateko orduan erabiltzen den sistema aldatu beharra azpimarratu du Euskal Herriko Nekazarien Elkartasunak. EHNERen iritziz diru publikoa banatzerako orduan nekazaritza arloko sindikatuen afiliazioa hartu beharko litzateke kontuan batez ere.

ARABAKO esportazio saria jaso dute hiru enpresek

Electra Vitoria, General Química eta Ocariz Arabako enpresek probintzia horretako 1992ko esportazio saria jaso dute. Sariak Arabako Merkataritza Ganbarak banatzen ditu eta merkatu berrietan sartzea eta kanpo salmentak handitzea saritzen dituzte. Aurtengo lehen bost hilabeteetan Arabako esportazioek % 26 egin dutela gora adierazi zuten Ganbaratik. EAE mailan gorakada % 14koa izan da.